



Broj: 07-03-14-9857-14/18  
Sarajevo, 16.07.2018. godine

Na osnovu člana 70. stav (1) i (3) Zakona o javnim nabavkama Bosne i Hercegovine ("Službeni glasnik BiH", broj 39/14), ministar privrede Kantona Sarajevo, donosi

## **ODLUKU**

### **o izboru najpovoljnijeg ponuđača putem pregovaračkog postupka bez objave obavještenja o nabavci**

#### **I**

Prihvata se konačna ponuda ponuđača "E-arhiva" d.o.o. Sarajevo, Safeta Zajke 61, 71000 Sarajevo, broj ponude: 13/18, zaprimljena na protokol ugovornog organa dana 13.07.2018. godine u 11,40 sati, u postupku provođenja javne nabavke putem Pregovaračkog postupka bez objave obavještenja za nabavku licenci za aplikativni softver za praćenje poljoprivrednih podsticaja.

#### **II**

Sa ponuđačem "E-arhiva" d.o.o. Sarajevo zaključit će se Ugovor o nabavci iz tačke I ove odluke.

#### **III**

Ova odluka stupa na snagu danom donošenja.

### **Obrazloženje**

Ministar privrede Kantona Sarajevo je dana 09.05.2018. godine donio Rješenje broj: 07-03-14-9857-2/18 kojim je imenovao Komisiju za provođenje postupka izbora najpovoljnijeg ponuđača za nabavku licenci za aplikativni softver za praćenje poljoprivrednih podsticaja.

Komisija je imala zadatak da pripremi poziv potencijalnim ponuđačima za dostavljanje ponuda, preporuči najpovoljnijeg ponuđača, pripremi Odluku o izboru najpovoljnijeg ponuđača i pripremi prijedlog Ugovora koji će biti potpisan sa najpovoljnijim ponuđačem.

Postupak javne nabavke licenci za aplikativni softver za praćenje poljoprivrednih podsticaja pokrenut je donošenjem Plana nabavke Ministarstva privrede Kantona Sarajevo za 2018. godinu. Postupak je proveden putem pregovaračkog postupka bez objave obavještenja, a Zakonski osnov za provođenje postupka je bio u skladu sa članom 21. tačkom c) Zakona o javnim nabavkama ("Službeni glasnik BiH", br. 39/14) zbog zaštite ekskluzivnih prava na aplikaciji "Poljoprivredni poticaji". Poziv za učešće u pregovaračkom postupku bez objave obavještenja (kojeg je pripremila



Komisija) broj: 07-03-14-9857-4/18 od 01.06.2018. godine, poslat je zajedno sa tenderskom dokumentacijom privrednom društvu "E-arhiva" d.o.o. Sarajevo dana 13.06.2018. godine, kao jedinom ponuđaču s kojim je bilo moguće voditi postupak, s obzirom na činjenicu da je ovo privredno društvo vlasnik ekskluzivnih prava na aplikaciji "Poljoprivredni poticaji".

Ministarstvo privrede je 13.06.2018. godine, u skladu s odredbama člana 28. stav (4) Zakona o javnim nabavkama, objavilo na svojoj internetskoj stranici, mp.ks.gov.ba, informacije o pregovaračkom postupku bez objave obavještenja o nabavci. Ovim činom, tenderska dokumentacija je postala dostupna svim zainteresiranim kandidatima/ponuđačima. Do roka predviđenog tenderskom dokumentacijom kao rok za prijem ponuda (18.06.2018. godine u 10,00 sati) u sjedište ugovornog organa nije primljena nijedna ponuda. Uzimajući u obzir navedeno, Komisija je preporučila ministru privrede Kantona Sarajevo da donese Odluku o poništenju pregovaračkog postupka bez objave obavještenja za nabavku licenci za aplikativni softver za praćenje poljoprivrednih podsticaja i da ponovno pokrene predmetni postupak javne nabavke. Na osnovu predmetne preporuke Komisije Ministarstvo privrede je 18.06.2018. godine donijelo Odluku o poništenju postupka br. 07-03-14-9857-7/18 koja je elektronskim putem dostavljena privrednom društvu "E-arhiva" d.o.o. Sarajevo.

Ministarstvo privrede Kantona Sarajevo je po drugi put dostavilo poziv za učešće u pregovaračkom postupku bez objave obavještenja za nabavku licenci za aplikativni softver za praćenje poljoprivrednih podsticaja, zajedno sa tenderskom dokumentacijom, preduzeću "E-arhiva" d.o.o. Sarajevo dana 06.07.2018. godine (predstavnik preduzeća E-arhiva ga je preuzeo lično). Rok za dostavu ponude bio je 09.07.2018. godine u 10,00 sati. Dana 09.07.2018. godine na Protokol Ministarstva privrede Kantona Sarajevo, Reisa Džemaludina Čauševića 1, zaprimljena je jedna ponuda br. 12/18 preduzeća "E-arhiva" d.o.o. Sarajevo i Komisija je u 10,15 sati pristupila otvaranju iste.

Ukupna cijena bez PDV-a navedena u ponudi iznosila je 17.950 KM. Iznos PDV-a iznosio je 3.051,90 KM, a ukupan iznos sa PDV-om iznosio je 21.001,90 KM.

Kada je u pitanju ispitivanje kvalificiranosti ponuđača i sadržaj ponude, Komisija je zaključila da ponuda sadrži sve bitne elemente i da je prihvaćena kao početna ponuda s kojom će se započeti pregovarački postupak sa privrednim društvom "E-arhiva". Komisija je završila sa evaluacijom početne ponude u 10,50 sati.

Oko predmetne početne ponude, sproveden je postupak pregovara sa preduzećem E-arhiva d.o.o. Sarajevo (istog dana u 11,00 sati u sobi 201 zgrade Kantona Sarajevo, Reisa Džemaludina Čauševića 1). Komisija je zatražila da ponuđač spusti cijenu, što je ponuđač obećao učiniti i dostaviti konačnu ponudu Ministarstvu privrede do 13.07.2018. godine. Ponuđač je konačnu ponudu br. 13/18 dostavio 13.07.2018. godine, a Komisija je pristupila otvaranju i evaluaciji iste. Ukupna cijena bez PDV-a navedena u ponudi iznosila je 15.300,00 KM. Iznos PDV-a iznosio je 2.601,00 KM, a ukupan iznos sa PDV-om je iznosio 17.901,00 KM. S obzirom da je ponuđač u odnosu na početnu ponudu snizio ukupnu cijenu za 3100,90 KM Komisija je preporučila ministru privrede Kantona Sarajevo da se ugovor za nabavku licenci za aplikativni softver za praćenje poljoprivrednih podsticaja dodjeli ponuđaču "E-arhiva" d.o.o. Sarajevo. S obzirom na navedeno



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



ministar privrede Kantona Sarajevo donosi predmetnu Odluku o izboru najpovoljnijeg ponuđača putem pregovaračkog postupka bez objave obavještenja o nabavci.

**Pouka o pravnom lijeku:** Protiv ove Odluke može se uputiti žalba ugovornom organu u pismenoj formi u roku od deset (10) dana od prijema iste.



MINISTAR

Dr Muharem Šabić

**Dostaviti:**

- "E-arhiva" d.o.o. Sarajevo, ul. Safeta Zajke 61, 71000 Sarajevo  
(e-mail: muamerefendic@gmail.com)
- Evidencija
- Arhiva



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

